

续资治通鉴长编

续资治通鉴长编

續資治通鑑長編卷二百七十七

宋 李燾 撰

神宗

熙甯九年秋七月丙辰廣南西路提點刑獄司言朱崖軍黎賊黃嬰等爲寇詔經略司令都大提舉管轄昌化朱崖萬安軍俞城飭兵備禦

丁巳詔邕欽廉州被害土丁之家更蠲一料稅賦

戊午詔成都府路鈐轄監司於川峽四路舉官知茂州已未詔郭達等訪聞邕欽二州溪峒及外界山獠以所居之地寶產至厚素所擅有深慮一旦交賊蕩滅朝廷列其土爲郡縣美利悉歸公上以勢異患同之故及交相黨與或陰持兩端或未決效順須前詔外得一詳悉

敕勝赦其罪惡與其所利誘之以爵賞迫之以誅戮如此則賊勢必分大功亟立未知所言如何卿等宜審議條可否疾速以聞達等言看詳朝廷前降敕勝竊慮邊人不曉文告之辭須至畫一直說事理所貴人人易曉乃條上八事請散勝州縣溪峒從之於是賊將黃金滿岑慶賓皆來潛輸誠款此據郭達征南文字所受七月五日御寶劄子并達墓志然墓誌云黃金滿岑慶賓來降彼黃金滿等未嘗來降但潛通降款耳今略加刪改其詳具注十二月十一日攻拔

時門州

庚申上批自關以西秋稼頗有順成之望近忽生蝗蝻好蚘可令監司速分定州軍往來督趣官吏打撲靜定以聞

辛酉上批河北京東時有結集羣盜攻劫鎮市殺傷官

吏聞多是新條所配河清軍亡其條近雖已衝革然前
此配人已多若不措置河上廂軍營率與州郡相遠上
下羈束不嚴後日爲患不細可速相度指揮先是中書
言河清兵近經揀選諸埽各闕人乞令河北陝西等路
除凶惡劫賊并令配鄰州及沙門島人外並刺配河清
指揮俟諸埽人足止之時已不用此法而復降是詔
壬戌詔宰臣王安石候王雱終七供職仍令太子右贊
善大夫王安上護喪歸葬江甯此據時政舒州團
練推官蔡京權流內銓主簿京興化人也此據時政記
銓主簿不足書爲蔡京故特書十

年七月二十四日改校書習學

癸亥安南招討宣撫司言襄葉邾縣巡檢殿直劉永安
坐擅殺被劾如情理可恕乞令隨軍效用以功贖過從

之初年李貴率衆卒不推兵器車永安手殺之大理寺
當以死然情輕且會赦故特從所請 廣南西路轉運
司言準詔給錢四十六萬餘緡付本司已市糧三十六
萬石粟豆四萬四千八百餘石草三十六萬餘束并牛
羊豬酒應副宣撫司須索詔送李平一與周沃蔡煜同
具給用實數以聞 成都府路體量邊事王中正言茂
州所管靜州州將楊文緒因蕃部謀燒劫市戶圍逼州
城并率張仁貴結連背叛今雖擒獲文緒然已病困恐
且死無以徇衆遂輒斬之其張仁貴並妻女等乞裁斷
詔仁貴陵遲處死并楊文緒妻子並依謀叛已上當法
仁貴茂州牙校也 詔廣西死事官無子孫者許奏親
屬一人爲之後

新舊紀云無子孫者立後

知廉州李時亮言邕廉

州見今重建州縣除邕州已有廂軍充役其欽廉二州
須藉民力欲乞特免搬運糧草止從本州役使從之
上批陝西諸路累年諸色欠負今歲豐稔倍常收斂時
不可失宜令元主借貸官司用心拘催每月終具收到
錢斛數目以聞 先是郭逵次潭州遣知欽州任起領
兵襲賊界永安州玉山寨是日起攻拔永安州

此據郭逵征南

文字七月二十一日奏

乙丑提舉永興軍等路常平等事杜常言奉詔供家譜
世裔謹上諸房世次圖詔每遇大禮諸房輪一人與恩
澤以昭憲太后之族多不及仕宦故也

丙寅遣同知禮院林希乘驛祭謝淇州順濟侯廟順濟
侯俗曰小龍以安南行營器甲舟行人多見之故也後

希還上言臣至廟齋宿是夜龍降於祝歐陽均肩入石香合蟠屈行禮之際微露其首祭畢自香合出於案上供器間盤旋往來徐入帳中其色及長短大小變易不一執事官吏百餘人皆見之乃詔封順濟王中書言宗室試換欲令學士院於所占一經簽貼二百字以上令面講說以不悖義理爲通從之

九月戊寅令始中格

入內供

奉官郝士良言廣州新開西北壕止濶十丈乞下本州再開通濶二十丈詔蘇宋相度開濬

己巳詔郭逵等近累據朱初平奏邵州管下楊氏諸蠻相繼內附其光僭光銜雖遷延未卽出漢觀其事勢必恐非久須當歸命然接納撫御固不宜失其歡心機會但恐經度之官於光僭輩旣出之後便要建城立寨增

置戍守若不須軍馬防拓自可修置極為善計如必俟
將兵前去未知何處取辦及城寨既成之後用若干軍
馬鎮守方其未舉動之間卿等其勿依違速與畫一裁
處無致綴畱大軍有妨南討害國重計達等言初平欲
於已歸明陸家地名上里建立一寨乞差軍馬及下轉
運司應副錢糧兵夫臣等固未之許今相度止可令巡
防使臣等部領土丁弩手於要害處駐劄往來照管候
其人情馴熟漸次經營措置斯為順便

此據郭達征南
文字增入六月

八日十七日十一月
二十一日可并考

壬申提點成都府路刑獄張諷言蠻人以犀香入嘉州
已牒州婉順發遣詔張諷釋越職罪

癸酉詔以東頭供奉官宋明給事英宗藩邸歲月勞久

除閣門祇候近裏州都監 又詔閣門近許宗室遙郡
團練使以上大燕赴坐自今大慶殿會上壽宜亦令預
乙亥詔諭郭逵等謀言交賊既歸巢穴日聚其黨教以
戰陣及搜集象馬閱習奔衝此蠻素狡獪今又操危心
慮大患其於姦智必有出人意者深恐八月中果來
犯邕州見在彼將官傷于忠勇便與接戰慮誤大事蓋
深入之師利於速戰故也仰更切審爲處置嚴與戒約

此據郭逵征南文字刪修

丙子詔訪聞陝西自罷濫錢後軍民交易尙爲兼并之
家不肯以省樣鐵錢與銅錢一般行使虧損官私深屬
不便可令兩路轉運司分明榜諭州縣如有所犯卽行
嚴斷仍令衆五日

六月二十五日周尹云云

戊寅夔州路轉運副使太常丞董鉞特遷一官以募人
佃牧地之勞也

己卯詔贈皇太后曾祖贈衛王高瓊諡曰烈武祖贈康
王高繼勲諡曰穆武命權發遣利州路轉運判官太

子中允黃廉太常丞王子韶並提舉陝西折納欠負廉

秦鳳路子韶永興路仍令諸路轉運提舉司應折納斛

斗並取在市實直揭榜許人情願仍臨時量增價錢內

五路如願以草折者聽令分定州縣每月一具依市直

增錢折納數以聞以上批陝西兩路折納欠負官司小

估穀價令民艱於輸納今三邊存饑振發不少若不乘

此豐歲急謀收斂恐後或值災傷迤邐展移期限反致

陷失故也

十二月十七日又遣子韶

復放歸田里人王安國爲大

理寺丞江甯府監當命下而安國病死矣

壬午罷程昉同管勾外都水監丞令都大制置河北河

防水利並依制置屯田使例施行此據會要尋有詔制置河

北河防水利更不置司其職事並依外都水監丞例施

行此據實錄乃八月十二日詔今并入此時政記又在十月初九日

是月安南行營次桂州郭逵遣廣南東路鈐轄和斌及

楊從先等督水軍涉海自廣東進諸將九軍自廣西進

此據郭逵本傳及墓誌附見其大桂州傳及墓誌並無月日六月十五日移軍奏計期必在七月初耳更須考

詳張方平奏云桂州至邕州十四程

八月甲申朔上批河北鹽法可速依舊庶商人不致疑

惑虧損課額遂詔三司河北鹽法依舊施行如舊法有

未便即與河北京東提舉鹽稅司同相度仍具去年實

收鹽稅錢以聞於是始罷章惇榷議惇議榷河北京東鹽在八年六月十

八日沈括自誌及司馬記聞張景溫事可參考蘇軾與文彥博書又呂陶奏議可考呂奏在元祐元年閏二月

錄齊州劉宏鎮監稅左班殿直孫紀一子爲三班借

職以紀與賊鬪死故也

乙酉三司言管勾軍器將作監買木宋述得旨除絹外

給錢十萬緡述擅支十七萬七千餘緡理當推問緣事

屬軍器將作欲乞降朝旨驅磨仍自今應支三司錢物

雖係別司亦許點檢從之侍御史周尹言河北西路

轉運判官李稷苛刻佻薄務爲氣勢摧辱官吏至相州

專拮吏人小過委官決責務以凌蔑韓琦從來州有兩

門其東知州出入其西以待賓客稷怒聞者不啟東門

追赴本司杖之知琦適與客會食故往謁琦琦聞稷來

徹食退客遽易冠帶迎稷復引去行移公牒言詞侮慢吏民皆以琦將相大臣而爲稷肆意輕辱萬口嗟憤及體量司程之才等欲案劾其人乞罷稷監司以快衆怒據稷罪狀如修趙州城枉費財用暴伐林木當北使路削白文書充修城木後安撫司恐北使見之遂遣人塗抹又移牒相州通判稱郡守以下不如一逃走賊人意在罵琦又牒諸州稱如課利增剩卽其他細事一切不問如課利虧少卽一案劾前後不法又沮抑體量司般糧種等事未覩朝廷施行詔提點刑獄司案實以聞後提點刑獄司體量伐木罵琦等事皆無有其他如尹所言詔劄與稷令知尋命稷與河北東路轉運判官汪輔之兩易其任

兩易乃二十三日事今并書之
伐木罵琦事皆無有此據朱本

知

代州劉舜卿言準詔相度代州城壕取平壕中隄隔通
作一重引河水入壕不惟功大兼東北勢高峻引水不
至止依舊重數可爲隔限從之仍依端拱二年十一月
辛丑詔河北緣邊城壕中墀削如斧刃五路州軍準此

端拱二年十一月辛丑詔未見

丙戌詔命程昉相度淮南路有無可興水利以聞初中
書奏差昉制置淮南路水利而上批未須制置可止暫
差往本路相度故有是命 又詔陝西河東難值豐歲
今年夏秋幸得成熟所在軍乏食當職官司若不乘時
竭力計置萬一邊埃小警必致狼狽費財誤事可令三
司嚴督責體量措置乖方不悉力者劾之
戊子河東節度使守司徒兼侍中判大名府文彥博加

太保再任彥博辭太保許之

文彥博辭太保乞止受所加封邑再任從之乃九月

二十一日事

寶文閣待制同判國子監常秩提舉中

太一宮秩以疾請故也

上批贈太尉劉從廣妻普甯

郡主太宗皇帝之孫吳王元儼之女於皇家爲尊屬可

增俸錢二十千餘人不得爲例

又批聞安南兵過嶺

多疾病其令宣撫司曉告毋食生冷嚴立酒禁

賜茂

州行營兵級特支錢

己丑命給事中程師孟爲遼主生辰使皇城使嘉州團

練使劉永壽副之度支員外郎祕閣校理安燾爲正旦

使文思使高遵治副之

宣撫司言徽州團峒首領龍

廷威等四人歸明乞補下班殿侍從之仍各賜錦袍銀

帶

庚寅上批熙河近歲減罷使臣至京多日其間有戰功者宜稍旌異內嘗該轉資之人先次與注一差使

辛卯權發遣夔州路轉運副使董鉞言近發黔施等義軍赴安南招討慮農作失時乞盡免夏秋稅中書言逐戶稅多少不等若不槩免卽爲不均欲令董鉞裁定務令均濟從之

壬辰遼國母遣畱使林牙懷化軍節度使蕭質翰林侍讀學士右諫議大夫知制誥同修國史成堯錫來見置酒垂拱殿不作樂後燕紫宸殿亦如之宣徽南院使

判應天府張方平言司農寺言近降新制應祠廟並依坊場河渡募人承買收取淨利管下五十餘祠百姓已買闕伯廟納錢四十六千五百宋公微子廟十二千並